

DAVID HODGE "YOUNG QUICK SILVER" REY DI CALYPSO 1967

SAN NICOLAS - Diavie ne anochi den Lago Sportpark tabatin pa di cuater anja consecutivo e contest pa mira kende lo bira e Rey di Calypso di anja. Originalmente e programa tabata pa cuminsa pa 7.30. Pero no tabata promer cu 8.40 di anochi promer cu e maestro di ceremonia sr. Hubert Naar a habri e espectáculo presentando primeramente e presidente di "Aruba Carnaval Foundation", sr. Milo Croes kende a dirigi su mesa e publico presente cu e suplica pa apoya mas tanto cu ta posible uno di e acontecimientonan mas grandi di Aruba esta "Carnaval".

Sr. Hubert Naar maestro di ceremonia a prosegui cu e presentacion di miembronan di jurado, den persona di srs. Edwin Zichem Samuel Hodge, J. Snijders, A.W. Bijde y A. Larmonie. Tur esakinan personanan conoci aki na Aruba riba tereno artistico.

Cada Calypsonian tabatin e oportunidad di canta tres melodia. Prome cu nos detaya e desarrollo di e contest di e anja aki largamente tira un bista riba e reynan cu nos tabatin te cu awor.

Na anja 1964 King Paul a tuma poder di e titulo. Na anja 1965 el sali den defensa di su titulo contra di un gran cantidad di participante kendenan el derota cu amplio margen di punto.

Na 1966 King Poncho a kita e titulo for di Paul y for di e 1966 ya tabatin un Calypsonianoven di kende e propio King Poncho a bisa cu mester tene cuenta cune. Diavie ne anochi Paul ni Poncho no tabata presente. Paul segun nos tin entendido a na Hulanda y Poncho ta na Merca.

LORD SWEETSWEET

E prome participante di anochi tabata Lord Sweetsweet kende a cuminsa na trata e publico na un manera generoso. Sweetsweet a jena tribuna jen di mangel, cu grandi y chiquito sin mucho esuerso a captura y mientras nan tabata come nan mangel Sweetsweet a cuminsa cu su actuacion. Su prome melodia tabata "Pushwood", numero cu cual el cosecha hopi aplauso. Poncho no tabatei presente, pero tabata visible cu tur e Calypsonianan sali decidido pa kita e corona di dje. Sweet Sweet a splika publico cu King Poncho no ta ada pa e derrota cantando, "King Poncho and the Beast".

Su ultimo melodia tabata "Horn but don't leave me Dorothy". Lord Sweetsweet ademá di ta un bon Calypsonian a demostra tambe cu e ta excelente bailarín.

STINGER RAY

Stinger Ray como segundo participante di e anochi a inicia su actuacion dunando un splicacion di algun grupo di jovennan rebele cu ta jama nan mes "Side Walkers" y "Indlehaulers". Na e gruponan aki Stinger Ray a bisa, "Let them come". "Miss Porker" tabata su segundo melodia, un caso cu a pasele un cierto dia cu el bai compra pami di porco na marche. Por cierto cu Ray a conta e publico cu diavie ne atardi tabatin un pelea na San Nicolas entre e gruponan "Sidewalkers y Indlehaulers". Mes anochi el cantan cu nan propio number rebele. Stinger Ray a duna detaye completo den e melodia con e pelea a desarolla.

THE MIGHTY PHARAO

E so cu su guitarra el muestra cu "Mi no tin mester di un orquesta pa bira Rey di Calypso". Su prome numero tabata "The

Calypso King" seguidamente el trece den ritmo di calypso un caso cu a ocuri na Hulanda cu un amigo di dje jama "Mister Kelly". Pa sera su actuacion el sali den defensa di e batata dushi di Aruba. "In defence of Aruba's plantin". Aunke e publico a boooo e bastante toch Mighty Pharo a demostra cu e ta un berdadero artista ya cu el gradicinan pa nan boomento cu un sonrisa riba su cara.

LORD BOXO

Prome melodia di Lord Boxo tabata relaciona cu e dos reynan di calypso di anjanan anterior, Paul y Poncho, titula "The Maco Men". El a splika cu e caballeronan aki no tabata merece e titulo di Rey di Calypso y cu for di un principio nan mester a eligi e, esta Lord Boxo como Rey di Calypso.

"Noisy Neighbours" tabata su segundo interpretacion, relaciona cu bisinjanan cu no ta largue trankil di tanto boroto cu nan ta haci. Den "Mele" su ultimo numero di e anochi, Boxo ta hala atencion riba e cantidad di redashi cu ta worde haci actualmente. E si no kier nada di haci cu e asunto ei pa tal motibu el a larga traha su cura di cas haltu y el pone asina un cacho grandi den su cura.

"THE ARUBA SPARROW"

Esaki ta un participante di 42 anja di edad cu a lubida por completo cu diavie ne anochi el a pasa banda di Sportpark y el mira movimiento asina a dicidi di dreña y waak cu e por bai cu e titulo. E no tabata prepara pero sinembargo el hania un guitarra fia y unavez cu e tabata riba escenario el combina algun calypso den otro jamando esaki "The Aruba Jamsession".

THE SAN FERNANDO BOYS

E grupo aki ya ta gosando di un popularidad aki na Aruba. Diavie ne anochi den Lago Sport Park "Henry the man with the rubber legs" a demostra cu nos no tin mester di bai te Merca pa mira actuacion di James Brown, aki mes nos tin bastante artista kende lo pone nos duda entre nan y James Brown. E calidad artistico di San Fernando Boys a keda demostra ora cu "Little Dynamite", a tuma microfono y a pone e publico haci movecionnan ritmico riba nan asiento cu su melodia pimentosa. Tambe el a duna un show ta con mester baila e plesa. "YOUNG QUICKSILVER"

E ultimo participante di e anochi tabata Young Quick Silver, kende anja pasa a clasifica na tercer puesto y tabata e creador di e popular melodia "Archie Buck me up". E numero aki a sirbi tambe pa Roadmarch. Decididamente pa bai cu e titulo el a haci su introduccion bailando alegre-

mente manera semper. Contando un chiste ya el a conquista gran parti di e publico. Su prome numero di e anochi tabata "The old lady and the young fellow". Con hende grandinan di awendia ta mescla cu teenager-nan. Unavez cu e tabatin e publico den un atmosfera chistoso el conta otro chiste cu el sigui pa su segundo numero "Last Days". Segun e Calypsonian, parse cu mundo ta jegando na su ultimo dianan, observando lo-cual ta ocuriendo ultimamente. Pa tur hende hanja algu pa nan buki di chiste el ofrece otro di e historianan cu a pasa un amigo di dje cu un spiritu. Su ultimo interpretacion tabata precisamente e numero cu a pone grandi y chiquito, jurado y miembronan di Aruba Carnaval Foundation canta y move ritmicamente.

"Oh Lord the Village burning down". Nos tur ta corda cu anja pasa tabatin un candela den Village. Wel pa splika precisamente ta kiko a pasa el a composita e melodia aki. Con e hendenan tabata jora, otro tabata grita, con reporteronan a core binbusca noticia y hasta el menciona un abreviacion di un reporter masha popular aki na Aruba. Bueno en una palabra "Young Quick Silver", a domina e publico por completo.

DECISION DI JURADO

E jurado cu por cierto tabatin un trabao un poco dificil, a dicidi cu "Young Quick Silver" ta e Rey di Calypso 1967". Lord

Sweetsweet a keda na segundo lugar y Stinger Ray na tercer puesto. Como Roadmarch mes-cos cu anja pasa e anja aki tambe tabata e propio David Hodge "Young Quicksilver" kende a crea "Oh Lord the Village burning down".

Sr. Milo Croes presidente di Aruba Carnaval Foundation, a corona e Rey cu un corona di carton por el momento mientras cu ta bai sperando jegada di e corona corespondiente. Tambe e rey a gana algun premio valioso y placa al contado. Tambe e ocupantenan di segundo y tercer puesto a ricibi ademá di un copa cada uno tambe premionan valioso.

Una vez cu e decision di e jurado tabata conoci tabata visible cu e publico tabata completamente di acuerdo cu nan. Esaki a keda comproba tambe ora cu e Rey di Calypso 1967, Young Quick Silver a pasa pa sinja tur esnan cu tabata presente e coro cu nan mester canta e anja aki mientras cu nan ta jump-up den carnaval. "Oh Lord The Village burning down". Nos no por larga di menciona cu polisnan a duna un cooperacion excelente diavie ne anochi pa evita bulamento di muralla of cualquier otro irregularidad. Si tabatin un persona cu a bula den Sportpark diavie ne anochi apesar di tur e control policial anto e mester ta un invisible.

Bueno carnaval ya ta den full swing y manera sr. Milo Croes a bisa, "Tur hende colobra pa e carnaval di e anja aki bira esun di mas grandi den historia di Aruba".

All over the place people so confuse
Shouting, crying and spreading news
Clem celaide had nothing to say
All his concern was to pick up meele
To tell the truth I was so amaze
King Poncho and Paul was fighting the blaze
I don't care who vex this is my belief
King Poncho was looking for draws to thief



Club Bonaire na San Nicolas ya tin su reina infantil. Ta trata aki di e hobencita Jessica Alders, kende e lectornan por aprecia riba e foto aki riba. Jessica ta tur cla caba pa participa den e paradanan di mucha. Exitó.

"Fireworks Jamsession" ta e 'road-march' di carnaval



Aki bau ta sigi e letranan di e calypso aki:
ROAD MARCH 1967
By: Young Quick Silver (David Hodge)

"Fireworks Jamsession"

When I heard the siren blowing
Man ah really thought they were joking (Rep.)
Oh men lard when I look outside
Black smoke in meh face I had to hide
When I see the blaze I bawl like a cow
And say the whole damn village burning down now.
Chorus: Mama look at a fire in the town.
Oh Lord the Village burning down (4x)

What people say man I was ashame
A hog-face woman was who cause the big flame
In another place ah sorry for she
Leaving food on the stove to buy catochie
Fire engines coming from all about
Fighting the fire but couldn't get it out
And if it wasn't for Lago
The whole of the Village woulda say ayo

The fire brigade man I must express
About the whole affair they make a big mess
The fire wasn't suppose to spread so far
So when it start to spread I bawl for murder
What really make dem people suffer
The first fire-truck had no water
The second one had a garden hose
Water coming out like they sprinkling clothes

Awe nos ta trece pa nos lectornan letranan di e "Roadmarch di e Carnaval di e anja aki. Mes-cos cu aña pasa Young Quick Silver a popularisa e melodia "Archie" numero cu a gana e titulo di Roadmarch na 1966, e anja aki atrobe ta e mesun joven Calypsonian David Hodge, "Young Quick Silver", a compondé Fireworks Jamsession. Den e melodia aki e compositor ta relata locual a pasa den Village algun luna pasa durante di e candela gigantesco cu a tuma lugar aya. Nos ta kere cu treciendo e letranan di e melodia aki ta duna oportunidad na tur esnan cu lo bai jump-up oportunidad pa practica y asina tur hende por canta alegremente huntu cu e Rey di Calypso Young Quick Silver: "Mamma look at a fire in the town. Oh Lord the Village burning down".